


# Abyanke Baibulu

Wú

## Yesu Abewyeka



Ynaka yi: Edward Hughes

Za wa muƙe do nya: Byron Unger and Lazarus  
Alastair Paterson

Za wa go nya: E. Frischbutter and Sarah S.

Bmapmyi yi: [www.christian-translation.com](http://www.christian-translation.com)

Kpmáknàyi yi: Bible for Children  
[www.M1914.org](http://www.M1914.org)


©2022 Bible for Children, Inc.

Gbegi: He yi kala yi he kpmá Bèndye hni ndye he gà knunu m.

Yesu wa abewyeka snu mwabere. Abewyeka dye wu dye Yesu wa be kuyi Tswashe "Byi n. Wo bewyeka byebye nyi a be yi é mula 'bwa lo n. Bedodna ga laga. Edetsnudayi é be yi lo gi zazaza m.




Mariyamu, Yesu wo 'ya, ga bedodna dye da giwo, ezni wo ga dagi wo azabwa ba snu bendye Yesu ga da nya.



3

"Nu ashnawnu hni de nuwna yi," Yesu wa gna. "Nuwna?" Kpesnu ba 'bebyi. Oh, nuwna a be yi 'nyandye Yesu wa chni nya n.




4

Ezni Yesu ga gna wo zabwa dye wo la shnawnu logoyi ke wo gi ebwa dageyi dye wo towo. Nuwna dye ga ze edetsnudayi! Edetsnudayi dyegoyi!




5

Ga ka azabwakpe 'wye. Dye Yesu wa nuwna ze edetsnuda yi ge. Tswashe gbmari ga bwa abewyeka hni snu n.




6

Yesu ga da abewyeka dozhi snu. Gyeznu sa dodo yi, Wodye de Wo azabwakpe ga lo Bitrus bwari. Bitrus yezhi nyigoza wa ba wna echni lugoyi.



7

Yesu ga to nyigoza gnuma dageyi 'bwa. Esa byiriyi wo ga sa. Wo ga laga ga gba Yesu de wo azabwakpe.



8


Yi shnandye aza khikhiri é 'zhi hnya lo bà bá chegnudo zhi é zenkpa lo gyeznu 'sa yi nyi n.

Agnuma ba bá zhi-wyebwa, tsubwagbegbe, knungba, teguri. Bedo de azandye ba be yi azafnu bibi yi fyi é ba lo nya ba bá chegnudo mwabere zhi é Yesu ba lo. Wa bma aza snu mwabere?



9

Yesu, Tswashe 'Byi, bmasnu. Yesu bmasnu. Aza khikhiri ndye ba zhi wo ba nya wa ba gnuma sa. Azandye ba dazna ma é butsi lo nya wa ba sa ba chnibo ba dazna ke ba la pita.



10

Azadò ba zhi, azandye gnuma bá bà jningbma nya.



11

Ba ga ze azà kalayi ke ga ri tugni ndye Yesu wa ba sa nya.



12

Aminsa de anyigoza yi ndye azafnu bibi a be fyi é ba lo nya ba be zhi é Yesu ba lo. Wo ga azafnu bibi kna ba ya. Shnandye azafnu bibi a knaya nya, edna yi, azandye ba be yi gbmada yi nya ba ga ze gbmada dage yi.




13

Chela de azabere mwa yi, aminsa gnu nya nyi ga bma ba nukodo snu ga la wo zhi Yesu ge. Tso ba ga tsi wo ba m. Ba ga snusnu nana?



14

Ba gá la minsa gnuma sna yi lo kate ge nya, wa nukodo nyanyi ga kate dýe kpmaya ke ga la wo. Ezni wo ga chela de Yesu yi.




15

Yesu ga dyewye dýe wa nukodo nyanyi hnya yi wwegugi yi. Wo ga gna gnuma sna yi, "a he abebi pya ya. La he gedo he dazna." Minsa dýe ga laga gnigni, dýegoyi de kala yi. Yesu á wo sa.




16

Esá tswnawyi, Yesu wa dna é eya nuwna nyi lo de wo azabwakpe yi. Mango ga sa ba ndye ese a ti ba kpe é shigo lo nya. Yesu a ba rere. Edna ga wo Wo azabwakpe ba ga ku Wo reshni. "Dageyi, gni yi," ba tibuyi. "Ya kpeti!"



17

"Kpegni gna," Yesu ga gna gi ase. Sarisari yi, shigo ga mashna. "Minsa dodobye yi za hni na?" Wo azabwakpe ga knawurere. Ese de shigo yi ba ga mashna. Ba ga wwegugi dýe Yesu yi Tswashe "Byi n tugni ndye wo abewyeka a wo latu wu nya. Wo azabwakpe ga kpeko m, tso ba be ga zhi ba dýe Yesu wye



18

muhni wo snu abewyeka shnandye wo ga gba Tswashe dna é azangoti 'mi lo nya.

Yesu Abewyeka


Beta é Tswashe Beta lo, Bibulu,

A dyewye dna é

Matiyu 8-9; Marikusi 1-2, 4  
Luka 4, 8; Yowana 2

"He beta dodo gi ba wyekna."  
Zabura 119:130

19



Kperi

40

60

20

Baibulu beta ndye hni da Tswashe ndye  
Wa snu yi ke wo ye dye he kpe wo ye nya beta gi yi.

Tswashe kpeko dye ya abekasa snu, ndye Wo yi bebi nya, bebi bechnu yi etsu, tso Tswashe ye he bo dyego-dyegoyi Wo ga Wo Ebyi egba tnu, Yesu, dye Wo tsu ku e znudu lo ke a tsnu wo 'bo e he abebi belo. Ezni Yesu ga dezekpe zhi wyewye yi ke wo ga lo epi Shenzhi! Ndye he ga wyegu gi Yesu ke he ga go 'bwadu, Wo ga snu! Wo ga zhi wo ba dna e he lo bonleyi, ke he kpa yi de wo yi nyize-nyize.

Ndye he ga wyegugi, da bendye hni gi Tswashe:  
Yesu, Ma wyegugi He yi Tswashe n, ke he ga ze zango gi he tsu e mi abebi belo, ke bonle yi He de yi. Tsugu zhi he ba dna e mi bo ke he pya mi abebi ya, ke gi mi bwa wyewye wowoyi ezni, ke fyedeyi mi le kpayi de He yi nyize-nyize. Bmamisu dye mi gi he mwamwa ke mi re nyize shnandye he 'byi nyi. A ze lo.

Ba Baibulu ke he da beta de Tswashe yi fyefye fyeo!  
Yowana 3:16